

中國文學精華

注音

舒鐵雲 王仲瞿 詩

蔣劍人選本

注音

王仲瞿詩

揭要

仲瞿人奇文奇，詩爲餘事。集中諸作，天人並至，大半以議論行之，奇而不詭于正，讀之令人氣王。雖所作不多，而嘗其一鬢，已足藥庸弱而有餘；宜當時爲之傾倒也。

小傳

先生名曇，字仲瞿，一名良士，浙江秀水人。乾隆舉人，工畫，詩文奇肆。好游俠，通兵家言；善弓矢，上馬如飛；慷慨悲歌，不可一世。有煙霞萬古樓集。

王仲瞿詩

注音

目次

項王廟	一
留侯祠	三
盧忠烈墓	四
蘇臺留別	七
松門望海觀都督李長庚將軍水師大戰	一
善才生二十五月矣計識得二百五十餘字	一
示以詩云	一五
晉征虜將軍東亭侯廟在虎山之東俗所稱	一
短簿祠也薨廡雄暢登內殿五十三級爲	一
夫人之宮余以雲孫禮致禱於吾祖之靈	一
假館內寢獻詩一首	一七

鐵雲先生烏戌書來先日與桐門舅氏看花	一
山塘連舟話別書來述及敬報一郵	一八
奉和舒鐵雲姨丈見贈之作	二〇
金鐘山題李王廟并書夫人寢碑	二二
平山堂同金棕亭羅兩峯兩先生作	二五
焦山夜泊	二六
漂母祠懷韓齊王作	二六
銅雀臺故址	二七
唐河西節度王忠嗣墓	二八
漢武帝茂陵	三〇
絳帳村相傳爲馬季長傳經處	三三

音 王仲瞿詩

嵎底懷漢大將軍馮異·····	三四
書洪穉存太史大江東去詞後·····	三六
住穀城之明日謹以斗酒牛膏琵琶三十二	
絃致祭于西楚霸王之墓·····	三六
鶴市詩於虎邱之盈盈一水樓·····	三九
別法梧門庶子詩龕·····	五〇
讀雲伯大令新寫頤道堂集將毀其碧城仙	
館舊刻而重鐫者翻虛入渾三舍避之蓋	
眞州遇舒鐵雲丈時已知此集之光也·····	五一
海上雜詩·····	五三
題五雲所畫大唐長公主像·····	五五
春草池聞四絃聲·····	五六

注音
王仲瞿詩

蔣劍人先生選本

七古

項王廟

項籍，字羽，下相人。年二十四，與季父梁起兵吳中，三年遂將五諸侯滅秦，分裂天下而封王侯，政由羽出，自號西楚

霸王；起兵八歲，身七十餘戰，所當者破，所擊者服。漢兵圍之東城，乃自刎而死。

立馬一呼千人號，

音豪

咸陽大火不足燒。十八諸侯作臣子，如何不舞鴻門刀？

陳平美奴張良女，淮陰之少小兒乳。功臣反面見君王，吾亦傷心老亞父！

音府

君王

如玉妾如花，君馬一走天下瓜。赤蛇不死白蛇死，妾骨空圍垓下沙！

音填

垓下

沙兒女英

雄兩不足，水廟山煙吾來宿。八千子弟大風來，父老江東到今哭。

【咸陽大火】

咸陽，秦都，故城在今陝西長安縣東。（史記項羽本紀）項羽引兵西屠咸陽，殺秦降王子嬰，燒秦宮室，火三月不滅。

【十八諸侯】

漢王劉邦、雍王章邯、塞王司馬欣、翟王董翳、西魏王魏豹、河南王申陽、韓王韓成、殷王司馬卬、代王趙歇、常山王張耳、

九江王黥布、衡山王吳芮、臨江王共敖、遼東王韓廣、燕王臧荼、膠東王田市、齊王田都、濟北王田安。

【鴻門刀】

鴻門，地名，在陝西臨

淮縣東，今日項王營。項羽與沛公會飲鴻門，范增出召項莊，莊入爲壽，拔劍起舞，項伯亦拔劍起舞，常以身翼蔽沛公，莊不得擊。【陳

平美奴】（史記陳丞相世家）平爲人長，美色。【張良女】（史記留侯世家）至見其圖，狀貌如婦人好女。【淮陰句】（史

記淮陰侯傳）淮陰侯韓信者，淮陰人。小兒乳者，猶云乳吳小兒耳。【功臣句】（淮陰侯傳）漢六年，人有上書告楚王信反，信謁高

祖於陳，上令武士縛信載後車，至雒陽，赦信罪，以爲淮陰侯。【亞父】范增也，年七十，說項梁，楚王以爲未將，爲項羽謀臣。後項羽疑

范增與漢有私，稍奪其權，增大怒曰：「天下事大定矣，君王自爲之，願賜骸骨歸卒伍。」項王許之，行未至彭城，疽發背而死。【君王二

句】（項羽本記）項王軍壁垓下，兵少食盡，漢軍及諸侯兵圍之數重，項王夜起飲帳中，有美人名虞，常幸從，駿馬名騶，常騎之。於是

項王乃悲歌慷慨，自爲詩曰：「力拔山兮氣蓋世，時不利兮騶不逝。騶不逝兮可奈何！」虞令虞兮奈若何，歌數闋，美人和之，項王泣數行下，

左右皆泣，莫能仰視。天下瓜，謂天下瓜分也。【赤蛇句】（史記高祖本記）高祖被酒，夜徑澤中，令一人行前，行前者還報曰：「前有大

蛇當徑，願還。」高祖醉曰：「壯士行何畏！」乃前拔劍擊蛇，蛇遂分爲兩。徑開，行數里，醉因臥，後人來至蛇所，有一老嫗夜哭，人問何哭？嫗曰：

「人殺吾子，故哭之。」人曰：「嫗子何爲見殺？」嫗曰：「吾子，白帝子也，化爲蛇當道，今爲赤帝子斬之，故哭。」人乃以嫗爲不誠，欲笞之，嫗因忽不見。

【妾骨句】閩，塞也。垓下，地名，在今安徽靈璧縣東南。（史記正義）括地志云：「虞姬墓在濠州定遠縣東六十里。」【八千子弟】

（項羽本記）項王乃欲東渡烏江，烏江亭長橫船待，謂項王曰：「江東雖小，地方千里，衆數十萬人，亦足王也。」項王笑曰：「天之亡我，我何渡

爲？且籍與江東子弟八千人渡江而西，今無一人還，縱江東父兄憐而王我，我何面目見之？縱彼不言，籍獨不愧於心乎？」【大風】（高

祖本紀）高祖還歸過沛，留置酒沛宮，酒酣，高祖擊筑，自爲歌詩曰：「大風起兮雲飛揚，威加海內兮歸故鄉。安得猛士兮守四方！」

留侯祠

漢張良封留侯。徐州府志：留侯廟：一在留城，一在子房山。明宣德初，平江伯陳瑄因旱禱雨有應，建祠祀焉。

子胥鞭楚楚不絕，留侯入秦秦即滅。英雄爲報一家仇，何苦漂流萬人血。胥不得佐太子建，良不得佐韓王成，不爲赤松走，幾爲猛犬烹。功人功狗兩無益，徒受亭公謾罵名。張良不食穀，李泌不娶妻，早欲祠黃石，何如老白衣。君不見五湖范蠡載西施，一舸各我鳴音蜺夷去已遲。魯連不忍秦皇帝，密鑄亡秦一柄鎚。（自注）

倉海君爲仲連餐士。

【子胥句】子胥，楚伍員字也。父奢，兄尚，爲平王所殺。子胥奔吳，卒佐吳伐楚，入郢，時平王已卒，乃掘其墓，出其尸鞭之三百。楚臣申包

胥至秦乞師以敗吳，遂復楚。【太子建】楚平王子。平王使伍奢爲太傅，費無忌爲少傅，無忌讒建於平王，平王疏建，使守城父。無忌

又言太子將爲亂，奢及子尚，由是見殺。太子建出奔宋。後子胥至宋，與建適鄭，建尋爲鄭人所殺。子胥遂與建子勝俱奔吳。【韓王

成】張良說項梁立韓後，且曰：韓諸公子橫陽君成賢，可立爲王。梁因使良求韓成，立以爲韓王。後韓王成爲項羽所殺。【赤松走】

赤松子，古仙人名。《史記留侯世家》：留侯曰：今以三寸舌爲帝者師，封萬戶，位列侯，此布衣之極，於良足矣。願棄人間事，欲從赤松子遊

耳，乃學辟穀道引輕身。【猛犬烹】《史記越王勾踐世家》：蜚鳥盡，良弓藏，狡兔死，走狗烹。【功人功狗】高帝嘗語諸將曰：

夫獵殺獸兔者，狗也；而發縱指示者，人也。今諸君徒能得走獸耳，功狗也；至如蕭何，發縱指示，功人也。見《史記蕭相國世家》。

〔亭

公諷罵〕漢高祖起自泗上亭長，性好謾罵。

〔李泌〕字長源，唐京兆人。常遊嵩華終南間，慕神仙不死之術。天寶間以翰林供奉

東宮，肅宗卽位，泌至進謁，處以賓友，入議國事，出陪輿輦。後隱衡山，德宗在奉天，召赴行在，旋拜中書侍中，同平章事，封鄆侯。泌不娶妻，不食肉。

〔祠黃石〕張良遊下邳圯上，有一老父至良所，直墮其履圯下，顧謂良曰：「孺子下取履，良爲其老，強忍下取履。老父笑曰：『孺子可教矣！』因出一編書，曰：『讀此則爲王者師矣。』後十三年，孺子見我濟北穀城山下黃石，卽我矣。」

〔老白衣〕肅宗欲授李泌官，

泌固辭，願以客從。衆指曰：「著黃者聖人，著白者山人。」

〔五湖二句〕五湖卽太湖，跨江蘇浙江二省。范蠡之齊，自號鴟夷子皮。（越

絕書）西施亡吳後，復歸范蠡，同泛五湖而去。杜牧詩：「西子下姑蘇，一舸逐鴟夷。」

〔魯連〕魯仲連，齊人，高蹈不仕，遊於趙。秦圍趙

急，魏使新垣衍請帝秦。仲連義不許，見衍曰：「彼卽肆然爲帝，連有蹈東海而死耳。」秦軍爲却。

盧忠烈墓

盧象昇，字建斗，明宜興人。天啓進士，綱將略，屢有戰功。崇禎時，官至兵部尙書，督天下援兵，與清兵血戰，礮盡矢竭而死，諡忠烈。墓在宜興縣溧陽西洋畛。（見江南通志）

矢竭而死，諡忠烈。墓在宜興縣溧陽西洋畛。（見江南通志）

文不能華人國，武不提戈殺強賊，少年科第老勳官，笑倒孔門童五尺。一代文章明八股，崇禎元年天地腐，黑山大舉白波來，五色兵官亂無主。天生奇才洪

承疇，當時不知皋夔流，遼薊計音長城呼道濟，中原一壁付盧侯。白面書生三十九，

（自注）公像存廟中，微髯白面，美書生也。

髑音獨

髑音樓

模糊血在手，一刀揮擲萬刀飛，

（自注）以佩刀歸，今

廟中無其物矣。

不見賊前見賊後，公之拉賊如拉枯，

音云

陽潞

音猪

蕩光州屠，當時殺入

滁州境，五里橋邊一賊無；鉅鹿呼援援不至，可恨諸奴壁上視，賈莊一戰滿身紅，夜半蒿橋鼓聲死。公不羨南霽雲，張睢陽，大忠大勇無文章；亦不羨吹胡笳，讀孝經，書生之兵紙上靈。觀公筆下字，讀公集裏詩，身如魯郡顏開國，人似中原卞望之。爛羊之尉竈下養，棘門遊戲中軍帳，明朝中葉太平時，錯當仇鸞是福將。

【華國】（陸雲張二侯頌）文敏足以華國。

【孔門童五尺】

（漢書董仲舒傳）是以仲尼之門，五尺之童，產稱五伯。

【八股】

（顧炎武日知錄）經義之文，流俗謂之八股，蓋始於成化以後。股者，對偶名也。天順以前，經義之文，敷衍傳注，或對或散，初無定格，成化二十三年會試，乃以反正虛實淺深扇立格，八股之制，實始於此。

【崇禎】明思宗年號。

【黑山句】

（九州春秋）張角之反也，

黑山白波黃龍左校牛角五鹿羝根苦蟪相繼而起。（魏志張燕傳）燕常山真定人，合聚少年爲羣盜，衆至百萬，號曰黑山，（後漢書靈

帝紀）南單于叛，與白波賊寇河東。

【五色句】

（淮南子）

禹南濟於江，黃龍負舟，舟中之人，五色無主，禹乃熙笑。

【洪承疇】

音注王仲瞿詩

六

字享九，明晉江人。萬曆進士，官至薊遼總督，與清軍戰於松山，兵敗被執。明帝以爲殉國，予祭十六壇，旋降清，清初開國規制，多爲所定，卒隱文襄。

【**阜薊**】並舜臣，阜陶爲士，鑿典樂。

【**道濟**】擅道濟，宋高平人，參建武軍事，遷太尉。武帝文帝時，屢立奇功，威名甚重，

朝廷疑畏，收誅之。道濟見收，脫幘投地曰：「乃壞汝萬里長城。」

【**中原句**】（明史本傳）崇禎八年，擢象昇右副都御史，代唐順之撫湖

廣，八月，命總理江北河南山東湖廣四川軍務，兼湖廣巡撫。總督洪承疇辦西北，象昇辦東南，尋解巡撫任，進兵部侍郎，加督山西陝西

軍務，賜尚方劍，便宜行事。

【**白面句**】（本傳）象昇白皙而臞，死時年三十九。

【**髑髏句**】髑髏死人首也。（杜甫詩）子璋髑髏

血模糊，手提擲還崔大夫。

【**拉枯**】（晉書）將軍之舉武昌，若摧枯拉朽，何所顧慮乎。

【**鄖陽**】明府治，即今湖北鄖縣。（本傳）賊

入楚，陷鄖陽六縣，命象昇代蔣允儀撫治鄖陽。時獨寇返楚者駐鄖之黃龍灘，象昇與總督陳奇瑜分道夾擊，連戰皆捷，斬敵五千六百

有奇。

【**光州**】今河南潢川縣。（本傳）李自成陷光州，象昇復大破之。

【**滁州**】今安徽滁縣。（本傳）高迎祥圍滁州，象昇率總兵

祖寬救滁州，大戰於城東五里橋，斬賊首搖天動，奪其駿馬，賊連營俱潰，遂北五十里。

【**鉅鹿二句**】鉅鹿今河北平鄉縣地。鉅鹿

之戰，諸侯軍至者十餘壁，莫敢縱兵，及楚擊秦，諸侯皆從壁上觀。見（史記項羽本紀）

【**賈莊二句**】（本傳）追師至鉅鹿賈莊，高

起潛擁關寧兵在雞澤，距賈莊五十里而近。象昇遣楊廷麟往乞援，不應，師至蒿水橋，遇清兵，遂戰，象昇身中四矢三刃，遂仆。

【**南霽**

雲張睢陽】南霽雲，唐頓丘人。張巡，唐南陽人。安祿山反，巡與許遠、南霽雲同守睢陽，城陷，被執，均遇害。

【**吹胡笳**】（晉書劉琨傳）

在晉陽爲胡騎所圍數重，城中窘迫無計，琨乃乘梯登樓清嘯，中夜奏胡笳，賊流涕歔歔，有懷土之思，解圍去。

【**讀孝經**】（後漢書

向栩傳）會張角作亂，栩上便宜頗譏刺左右，不欲國家興兵，但遣將於河上，北向讀孝經，賊自當消滅。

【**魯郡顏開國**】顏真卿

字清臣，唐臨沂人，玄宗時爲平原太守。安祿山反，獨倡義討之，亂平，遷刑部尙書，封魯郡開國公。【卜望之】卜望之，晉宛句人。

弱冠有名譽，永嘉中爲著作郎，明帝時至尙書令，勦於吏事。成帝立，太后臨朝，與庾亮同輔政。蘇峻反，靈以尙書令領軍將軍，都督大桁東諸軍事，拒之，軍敗，力疾戰死，二子眇，眇同時見害，諡忠貞。

【爛羊句】（後漢書劉玄傳）其所授官爵者，皆羣小賈豎，或有膳夫廕人，長安爲之語曰：「爛羊頭，關內侯。」

【棘門句】棘門，地名，在今陝西咸陽縣東北。（漢書周勃傳）文帝曰：「鄉者霸上棘門如兒戲耳。」

【仇鸞】明鎮原人，鉞孫，嗣侯爵。世宗時出鎮大同，俺答寇邊，鸞爲避戰計，通俺答義子脫脫，約毋犯大同，且許通市。俺答轉犯京師，鸞入援，遇寇而潰，冒功加太子太保，總督京營戎政。尋俺答款關請市，鸞與嚴嵩深相結，遂開馬市於大同。宣府邊卒盡撤，大遭寇侮，因罷官，恚恨而死。

蘇臺畱別

蘇臺，蘇州之別稱，今吳縣是也。（清一統志）姑蘇臺在吳縣西南，（越絕書）胥門外有九曲路，闔閭造以遊姑胥之臺而望太湖，去縣三十里。

口不吹吳門之簫，手不舂梁鴻米，全家風雨一船來，安穩三年住吳市。來時

無一錢，二十四番花底眠，賓客纏頭錢百萬，家僮鼠耗米三千。去又不能遂，粉面

吳娃鳥瓜切，強人醉，琵琶七十二條絃，一一條絃響流淚，青樓十二釵，南部煙花記，

斷袖猶牽飛燕裙，割席還聯麗娟袂。玉壺紅淚涼，流斷女媧腸，金陵已負秋娘謝，

鶴市重悲一妹張。舵樓細雨絃聲急，音鸛音鸛音貫酒文君泣。（自注）內素昵星娘。肉陣屏

風散似雲，燭圍尙向封家立。金鎖纜雲舟，張星天上頭。能栽楊柳三千樹，終少鴛

鴦一座樓。人間命薄耆卿柳，妓館傳餐我何有！樂遊原土葬詞人。三月清明一柁

杯同酒。青山綠水兩橋邊，越水吳山總一天。少游終負長沙女，且約虛淵切風五百

年。楓橋河柳桐橋月，元墓梅花夜如雪。湖山如許尙無情，迹刻潘吾也曾滅。白馬

換春娘，逐客路途長。三生如落葉，一曲是迷陽。平頭老奴赤脚婢，項帕濃書繫君

臂。綢繆喚取守宮砂，印花顛倒鴛鴦字。

【吳門簫】（史記范雎傳）伍子胥鼓腹吹簫，乞食吳市。

【梁鴻】字伯鸞，東漢平陵人。家貧，尚節介，娶同縣孟氏女，名光，適吳，依大

家臯伯通，居廡下，爲人賃舂，每歸，妻爲具食，舉案齊眉。伯通異之，乃舍之於家，及卒，葬要離家旁。

【二十四番】案集中二十四風

堂詩，序云：余所居爲聽秋館，以秋花名也。春花種畢，顏曰二十四風者，以在二十四福堂後也。（歲時記）始梅花，終棟花，凡二十四番花

信風。【賓客句】唐時賓客宴集，爲人起舞，當此禮者，即以彩物爲贈，名纏頭。如僕固懷恩，爲中使駱奉仙起舞，奉仙以纏頭爲贈是

也。【家僮句】（南史張率傳）率在新安，遣家僮載米三千石還宅，及至，遂耗大半，率問其故，答曰：雀鼠耗。率笑而言曰：壯哉雀鼠竟

不研問。【粉面】傳粉於面也。（陸暢酬內人詩）粉面仙郎選聖朝，偶逢秦女學吹簫。【青樓】謂伎館也。（杜牧詩）十年一覺揚

州夢，贏得青樓薄倖名。【十二釵】「白居易酬牛思黯詩」金釵十二行。（注）思黯之妓頗多故云。【南部煙花

記】書名，唐馮贄撰。【斷袖】（漢書）哀帝幸董賢，嘗共晝寢，賢偏藉上袖，上欲起，賢未覺，不欲動賢，迺斷袖而起。【飛燕裙】

（飛燕外傳）帝於太液池作千人舟，號合宮之舟，后歌舞歸風從遠之曲，帝以文犀簪擊玉甌，令侍郎馮無方吹笙以倚后歌，中流酣歌，

風大起，后揚袖曰：「仙乎仙乎！去故而就新，寧忘懷乎？」帝曰：「無方爲我持后，他日宮姝或襲裙爲纈，號留仙裙。」【割席】（世說）管寧華

歆常同席讀書，有乘軒冕過門者，寧讀如故，歆廢書出看，寧割席分坐，曰：「子非吾友也。」【麗娟袂】（洞冥記）武帝所幸宮人名麗娟，

年十四，玉膚柔軟，吹氣勝蘭，不欲衣纓，拂之恐體痕也。每歌，李延年和之，于芝生殿唱迴風之曲，庭中花皆翻落，帝置娟于明離之帳，恐

塵垢汗其體也。【玉壺紅淚】（拾遺記）文帝美人薛靈芸，臨別父母，淚下沾衣，至升車就路，時以玉唾壺承淚，壺則紅色。既發常山，

及至京師，壺中淚凝如血。【女媧腸】（山海經）有國名曰淑士，顓頊之子，有神十人，名曰女媧之腸，化爲神，處栗廣之野，橫道而處。

【金陵】今江蘇江寧縣，戰國楚置金陵邑。【秋娘謝】（樂府雜錄）望江南曲，始自朱崖李太尉鎮浙西日，爲姬謝秋娘所製，又

（杜牧杜秋娘詩序）杜秋，金陵女也，年十五，爲李鎔妾，後鎔叛，滅，謫之入宮。【鶴市】（今江蘇吳縣有鶴舞橋）吳越春秋，閻閭葬女，

舞白鶴於市中，令萬民隨而觀之，還使男女俱入羨門，因發機以掩之。【一妹張】（虬髯客傳）張氏立梳牀前，端方刷馬，忽有一人

取枕欹臥，看張氏梳頭。張氏熟觀其面，急梳畢，斂袂前問其姓，臥客曰：「姓張，對曰：「妾亦姓張，合是妹，遂拜之。問第幾，曰：「

最長。遂喜曰：「今日多幸遇一妹。」張氏遙呼曰：「李郎且來拜三兄。」【鸚鵡黃酒】（西京雜記）司馬相如初與卓文君還成都，居貧愁懣，

以所著鸚鵡裘，就市人陽昌實酒。【肉陣屏風】（天寶遺事）楊國忠冬月設酒，令妓女圍之，名肉屏風，亦曰肉陣。【燭圍】（開

元遺事）楊國忠子弟，上元夜各有千炬燭圍。【封家】（合璧事類）封家姨，乃風神也，出（博異記）。【雲舟】（洞冥記）虬泉池

在五柞宮北，中有追雲舟。【張星】二十八宿之一，（徐陵詩）張星舊在天河上，由來張姓本連天。【慈鴛樓】謝希孟，陸象山門

人也，少豪俊，與妓陸氏狎，爲妓造鴛鴦樓。（見詞苑叢談）。【耆卿柳】柳永，字耆卿，宋崇安人。景祐進士，官至屯田員外郎。爲舉子時，

多遊狹斜，善爲歌詞，教坊樂工每得新腔，必求永爲詞，始行於世。【樂遊原】在陝西長安縣南，漢宣帝立廟宇曲江池之北，號樂遊，

世因稱其地爲樂遊原。【少游】秦觀，字少游，宋高郵人。少豪雋慷慨，溢於文詞。登第爲定海主簿，元祐初除太學博士，累遷國史院

編修官，尋坐黨籍削秩，編管橫州，徽宗立，復宣德郎，放還至藤州卒。長沙女事未詳。【翹風】（王嘉拾遺記）石季倫所愛婢，名翹風，

魏末，於胡中買得之。石氏侍人美豔者數千人，翹風最以文辭擅愛，石崇常語之曰：吾百年之後，當指白日以汝爲殉。答曰：生愛死離，不

如無愛，妾得爲殉，身其何朽。於是彌見寵愛。及翹風年三十，妙年者爭嫉之，競相排毀，崇卽退翹風爲房老，使主羣少。【楓橋】在

吳縣閭門外西九里。【桐橋】未詳。【元墓】山名，一名鄧尉，在吳縣西南七十里，山多樹梅，花時一望如雪，行數十里，香風不絕。

【迹刻潘吾】（韓非子）趙主父使匠人施鈞梯，刻巨人跡于潘吾，勒其上曰：主父常遊于此。案潘吾亦作番吾，又卽蒲吾。（後漢書

郡國志）常山郡有蒲吾縣。【白馬換春娘】（獨異志）槐曹彰性儒儒，偶逢駿馬愛之，其主所惜也，彰曰：予有愛妾可換，惟君所

選，馬主因指一妓，彰遂換之，號曰白鸞。【迷陽】（莊子）迷陽迷陽，無傷吾行。（王先謙集解）迷陽，棘刺名，生於山野，踐之傷足，今楚

語猶然。【平頭老奴】平頭巾名。（梁武帝詩）平頭奴子攀履箱。【綢繆】猶繆綿也。【守宮砂】（博物志）蜥蜴或名蠃蜃，

以器養之，食以朱砂，體盡赤，所食滿七斤，治掃萬杵，點女人支體，終年不滅，惟房室事，則滅，故號守宮。（李商隱詩）巴陵夜市紅守宮，後

房點臂斑斑紅。

松門望海觀都督李長庚將軍水師大戰

松門，島名，在浙江溫嶺縣東南五十里海中。李

長庚，字超人，號西巖，同安人。乾隆三十六年武進士，累遷澎湖副將，浙江定海鎮總兵，數擊海盜有功，總統閩浙水師。嘉慶五年六月，夷艇大至，逼臺州、松門，長庚率師迎剿，忽颶風起，雷雨大作，賊艇覆溺幾盡，其登岸者悉就俘，獲安南、倫貴利等四總兵，磔之，擢浙江水師提督。後以剿海盜蔡牽，中礮死於潮州之黑水洋，追封三等壯烈伯，諡忠毅。

鼉^{音駝}梁不架風不驕，紅雲浴日頹雲消。海船入口海魚賤，沙頭一市人如潮。

忽傳黃牛白鴨七十二礁。

讀若焦

煙燄起，火星飛入鞋山坳，不知是人是馬是海市？

知是岳家將軍大舉追楊么。

音若艚艚舳舳，看不出，但見烏鴉一陣急繕。

音稍

而招搖；

復有長蛇一字島底出，三周華不注，兩道來相鑒；蟻旋鶴舞一天熱，不知何船用火何船燒？

驟然青天化赤壁，漸見兩軍四散獵獵飄長稍。

音朔

南風漸緊舟漸大，頓然松門以內疊疊堆銀濤。將軍樓船高於屋，

音潑

喇^{音辣}

八槳如飛刀。同時官船島船一百一十有二隻，一一如旋條。中有一船如大域外

七奇圖所記，高帆六七道，快馬騰風跑。哮音沒切囉聲近潮聲遙，胡牀一手紅旗招，

各以鈎車鑿音激互撐挽牢，舟中之指血可熬，舟中之血槽可漂，流星火矢鴉焚巢，

長兵躍百音陌高者超，短兵裸鬪刀者跳，瓜稜小礮雲中驍，音濤旋風高懸當者號，郎

機一震兜底拋，環槍一千煙火高，小船螯音蹕碎飄如瓢，大船肉糜撞其腰，桅高斗

大摧折標，連環舩音拏舩音猛留其艚。惟有中軍一船麾如燧象燒不熱，音斯虎彌大櫓

犀皮包，虬髯大杖三鼓鑿音威，高樓獨蠹音毒紅帕綃，銀刀粉面靴者嬌，三百黑雲飛

鳴犒。音虛切將軍大怒呼叱譙，不衫不甲聲虎號，音虎切蛇矛丈八親手挑，稷門投蓋

身蹴音蹙飄音蹕，弧不拔飛過艘，搏人一個投雲霄，老拳毒手親打交，張侯貫肘膚

不撓，林雍鑿音蹕足走且趨音欺腰切，中眉中頰惟所遭。忽然由于肩中稍音朔，束胸一傷

呼乃暑音抱（自注）是日將軍徒手親搏，凡中肘、足、眉、頰、肩、乳六傷，而肩、乳兩傷尤重。俎壺一擲三不饒，（自注）將

軍負傷過舟，忽船中出杯盤壺碗，於是面受磁傷。迴身據轉琴聲調，鼓音不絕公伏弢，音與餘皇三呼

鼉音獵者逃。